

**NTAWV CEEB TOOM RUA COV KWS TEJ ZAG YUAV TAU UA PLAUB:
FOOJ TXUG KEV NKAAG KAWM HUV KEV KAWM TSHWJ XEEB**

Rooj plaub nuav hu ua Jamie S., et al., v. Milwaukee Public Schools, et al. Thawj tu plaub Aaron Goodstein taab tom saib cov lug fooj lug ntawm pawg neeg tsi txaus sab kws tau tso ntawv fooj rua huv U.S. Tsev tu plaub, huv Eastern District of Wisconsin. Tug zauv cim cov lug nuav yog 01-C-0928.

Chaw tu plaub tau txav txim sab tas paab neeg fooj rooj plaub nuav muaj:
cov kawm ntawv kws dlhos rua kev kawm tshwj xeeb kws taab tom raug, tau raug los tseem yuav raug muab ncua tsi muab moog nkaag kev kawm tshwj xeeb txawm tas tub muaj rooj saab laaj IEP ntawm nam txiv los tug saib miv nyuas hab paab IEP taag lawm.

Pev le huv qaab nuav:

- Cov nam txiv kws tau thov kuas soj ntsuam puab cov miv nyuas saib puas yuav nkaag tau rua huv kev kawm tshwj xeeb, kuas MPS ca le tsi soj ntsuam cov miv nyuas le, los ca le ua tsi tau raws tug kom tswj teev tas yuav ua kuas tav huv thaaj tsaam 90 nub;
- Cov miv nyuas kws tub tau txuam yuaj rua kev saab laaj tas puas yuav tau pib txais kev paab ntawm kev kawm tshwj xeeb, tuab sis MPS tsi muaj cov neeg kws paub num moog koom rooj saab laaj IEP, es yuav lug txav txim sab tau tag tag;
- Cov miv nyuas kws, tug xib fwb los lwm tug num tswv, xis le tug doctor los psychologist, yeej tau tawm suab taag rua MPS lawm tas tsim nyog tau kawm los tau txais kev paab lug ntawm kev kawm tshwj xeeb, kuas MPS ca le tsi soj ntsuam cov miv nyuas ntawd le, los ua tsi tau raws cai teev tseg huv 90 nub;
- Cov miv nyuas kws tau raug tawm moog nyob ntawm tshaaj 10 nub huv xyoo kawm ntawv, tuab sis MPS ca le tsi muaj rooj saab laaj lug tsom xaam tas saib cov miv nyuas le has puas tsim nyog yuav tau moog kawm kev kawm tshwj xeeb.

Yog koj yog ib tug ntawm pawg neeg nuav, tsim nyog tas yuav tsum muaj cov attorneys tuaj huv Wisconsin Coalition for Advocacy (WCA) tuaj ua koj tug sawv kev. Yog koj ho xaav paub ntxiv tas saib koj ho puas yuav yog ib tug ntawm pawg neeg nuav, thov hu rua WCA. Tog tod yog Milwaukee Public School District hab Wisconsin Department of Public Instruction. Ob tug los muaj attorney tuaj ob tug tog tuab yaam.

Cov fooj has tas Milwaukee Public School District (MPS) hab Wisconsin Department of Public Instruction (DPI) tsi ua raws le federal txuj cai kws tau teev tseg tas yuav tsum muaj kev laav loos kuas txhua tug miv nyuas kheeb tsi zoo kws tsim nyog tau kawm huv kev kawm tshwj xeeb raug soj ntsuam saib puas moog kawm tau huv kev kawm tshwj xeeb. Cov fooj xaav kuas MPS hab DPI hloov cov cai hab kev ua num kws cov fooj pum tas tsi ncaav txuj cai, IDEA. Cov fooj thov kuas muaj kev qha dlawb paug hab ua tej num kuas xim yeem, sub ha tsi muaj kev poob nyaj poob txaj. MPS hab DIP has tas ob tug muaj kom tswj hab kev ua num kws yog hab kev soj ntsuam kws moog raws caij nyog raws le IDEA cov cai lawm, hab tseem taug nrhw saib MPS puas ua raws txuj cai.

Hu rau Wisconsin Coalition for Advocacy (WCA) ntawm: 342-8700, los MPSnotice@w-c-a.org yog xaav paub ntxiv, los yog tas koj xaav paub saib koj puas yog ib tug ntawm paab neeg ntawd.